

**TEKS DOA**  
**MALJIS PELANCARAN DUTA SAHSIAH PEMANGKIN PEMBENTUKAN**  
**KARAKTER KARAMAH INSANIAH PERINGKAT KEBANGSAAN**  
**TAHUN 2023**

بِسْمِ اللَّهِ الرَّحْمَنِ الرَّحِيمِ  
الْحَمْدُ لِلَّهِ رَبِّ الْعَالَمِينَ، وَالْعَاقِبَةُ لِلْمُتَّقِينَ وَالصَّلَاةُ وَالسَّلَامُ عَلَى  
سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ

Dalam majlis penuh keberkatan ini kami menadah tangan penuh kesyukuran memohon pengharapan dan keredaan daripada-Mu, Semoga **Majlis Pelancaran Duta Sahsiah Pemangkin Pembentukan Karakter Karamah Insaniah Peringkat Kebangsaan Tahun 2023** bertempat di SMK Tun Syed Sheh Barakbah ini menjadi wadah untuk memartabatkan perpaduan dalam kalangan warga pendidikan, rakan strategik Polis DiRaja Malaysia dan juga masyarakat setempat .

يَا قَوِيُّ يَا مَتِينُ

Kami memohon dari Mu ya Tuhan, kurniakanlah kepada kami kesatuan hati, emosi, minda dan tindakan, dalam melaksanakan amanah yang besar dan tanggungjawab yang diberi taklifan, Semoga dengan itu, kami mampu menempa kecemerlangan bagi menaungi dunia pendidikan, mengangkat matlamat karamatul insan melalui pembentukan sahsiah, adab dan integriti yang menjadi tonggak ketuanan dan ketamadunan ke arah Malaysia Madani.

اللَّهُمَّ إِنَّكَ تَعْلَمُ أَنَّ هَذِهِ الْقُلُوبَ ، قَدِ اجْتَمَعَتْ عَلَيَّ مَحَبَّتِكَ ، وَالتَّقَتْ عَلَيَّ طَاعَتِكَ ،  
وَتَوَحَّحَتْ عَلَيَّ دَعْوَتِكَ ، وَتَعَاهَدَتْ عَلَيَّ نُصْرَةَ شَرِيعَتِكَ  
فَوَثِّقِ اللَّهُمَّ رَابِطَتَهَا ، وَأَدِمِّ وُدَّهَا ، وَاهْدِهَا سُبُلَهَا ، وَأَمْلَأْهَا بِنُورِكَ الَّذِي لَا يُخْبَوُ  
وَاشْرَحِ صُدُورَهَا ، بِفَيْضِ الْإِيمَانِ بِكَ .

Ya Allah, Engkau mengetahui hati-hati ini telah berkumpul kerana kasihkan-Mu. Bertemu dan patuh pada-Mu. Bersatu memikul dakwah-Mu. Hati-hati ini telah berjanji setia. Mendaulat dan menyokong syariat-Mu. Maka eratkanlah akan ikatannya. Kekalkan kemesraan hati ini. Tunjukkan ia jalan yang sebenar. Limpahkan dengan cahaya Rabbani Mu. Yang tak pernah padam dan lapangkanlah dengan iman.

يَا اللَّهُ يَا كَرِيمُ يَا وَدُودُ

Perkenanlah doa kami, agar segala usaha yang kami lakukan selama ini, mampu membawa citra yang besar dan murni, mengangkat martrabat dan menjulang tinggi, dunia pendidikan yang kami cintai. Jadikan keikhlasan niat kami, sentiasa dijaga dan terpelihara di hati. Walaupun kami tahu ya Allah, banyak perkara mengundang resah, dilingkari ujian dan diselubungi mehnah. Semoga kesungguhan kami beroleh barakah, sepanjang hidup dipandu hidayah. Semoga semangat kerjasama yang kami tunjukkan menambah mawaddah disuntik rahmah. Menambahkan kasih sayang mendinginkan ammarah. Qalbu yang suci mengembalikan fitrah.

يَا رَحْمَنَ وَيَا رَحِيمَ

رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ  
النَّارِ ، وَصَلَّى اللَّهُ عَلَى سَيِّدِنَا مُحَمَّدٍ وَعَلَى ءَالِهِ وَصَحْبِهِ  
أَجْمَعِينَ ، وَالْحَمْدُ لِلَّهِ رَبِّ الْعَالَمِينَ .